

Facta est Judæa sanctificatio ejus, * Israël potestas ejus.

Mare vidit, et fugit: * Jordánis conversus est retrorsum.

Montes exsultaverunt ut arietes, * et colles sicut agni ovium.

Quid est tibi mare quod fugisti: * et tu Jordánis, quia conversus es retrorsum?

Montes exsultástis sicut arietes, * et colles sicut agni ovium.

A fácie Dómini mota est terra, * a fácie Dei Jacob.

Qui convertit petram in stagna aquarum, * et rupem in fontes aquarum.

Non nobis Dómine, non nobis: * sed nómini tuo da glóriam.

Super misericórdia tua, et veritate tua: * nequándo dicant Gentes: Ubi est Deus eórum?

Deus autem noster in cælo: * ómnia quæcúmque vóluit, fecit.

Simulácula Géntium argéntum, et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non audiunt: * nares habent, et non odorábunt.

Manus habent, et non palpábunt: pedes habent, et non ambulábunt: * non clamábunt in gútture suo.

Similes illis fiant qui fáciunt ea: * et omnes qui confidunt in eis.

Domus Israël sperávit in Dómino: * adjútor eórum et protéctor eórum est.

Domus Aaron sperávit in Dómino: * adjútor eórum et protéctor eórum est.

Qui timent Dóminum, speravérunt in Dómino: * adjútor eórum et protéctor eórum est.

Dóminus memor fuit nostri: * et benedixit nobis:

Benedixit dómui Israël: * benedixit dómui Aaron.

Benedixit ómnibus, qui timent Dóminum, * pusillis cum majóribus.

Adjíciat Dóminus super vos: * super vos, et super filios vestros.

Benedícti vos a Dómino, * qui fecit cælum, et terram.

Cælum celi Dómino: * terram autem dedit filiis hóminum.

Non mórtui laudábunt te Dómine: * neque omnes, qui descéndunt in inférnum.

Sed nos qui vívimus, benedicimus Dómino, * ex

hoc nunc et usque in sæculum.

Capit. et Hymn. ut in I. Vesp.

¶ Loquebántur váriis linguis Apóstoli, allelúja. R. Magnália Dei, allelúja.

Ant. Hódie compléti sunt dies Pentecóstes, allelúja: hódie Spiritus Sanctus in igne discipulis apparuit, et tribuit eis charismatum dona: misit eos in univérsum mundum prædicáre, et testificári: qui crediderit, et baptizátus fuerit, salvus erit, allelúja.

¶ Dóminus vobiscum. R. Et cum spiritu tuo.

Orémus. Oratio.

Deus, qui hodiérna die corda fidélium Sancti Spiritus illustratióne docuisti: da nobis in eódem Spiritu recta sápere, et de ejus semper consolatióne gaudére. Per Dóminum nostrum Jesum Christum Fílium tuum: Qui tecum vivit et regnat in unitate ejúsdem Spiritus Sancti Deus, per ómnia sæcula sæculórum. R. Amen.

Infra Octavam Pentecostes fit Officium sicut in die, exceptis ¶¶. ad Noct., Lect., R. R. Ant. ad Bened. et ad Magnif. et Orationibus.

Feria Secunda.

¶ Spiritus Dómini replévit orbem terrarum, al-

lelúja. R. Et hoc quod cón-tinet ómnia, sciéntiam habet vocis, allelúja.

Pater noster. secreto.

¶ Et ne nos indúcas in tentatióne. R. Sed libera nos a malo.

Absol. Exaúdi Dómine Jesu Christe, preces servórum tuórum, et miserére nobis: qui cum Patre et Spíritu Sancto vivis et regnas in sæcula sæculórum.

R. Amen.

¶ Jube domne benedicere.

Bened. Evangélica lécio sit nobis salus et protéctio.

R. Amen.

Lécio sancti Evangélii scúndum Joánnem.

Lectio i. Cap. 3. b.

In illo témpore: Dixit Jesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Et reliqua.

Homilia sancti Augustíni Episcopi.

Tract. 12. in Joann. sub finem.

Quantum in mé dico est, sanáre venit ægrórum. Ipse se intérimt, qui præcépta mé dici observáre non vult. Venit Salvátor in mundum. Quare Salvátor dictus est

mundi, nisi, ut salvet mundum, non, ut iudicet mundum? Salvári non vis ab ipso: ex te iudicaberis. Et quid dicam, iudicaberis? Vide quid ait: Qui credit in eum, non iudicatur. Qui autem non credit: quid diciturum sperabas, nisi, Iudicatur? Quod addit: Jam, inquit, iudicatus est: nondum apparuit iudicium, et jam factum est iudicium.

R. Jam non dicam vos servos, sed amicos meos: quia omnia cognovistis, quæ operatus sum in medio vestri, allelúja: * Accipite Spiritum Sanctum in vobis Paráclitum: ille est, quem Pater mittet vobis, allelúja. **V.** Vos amici mei estis, si feceritis quæ ego præcipio vobis. Accipite Spiritum Sanctum in vobis Paráclitum: ille est, quem Pater mittet vobis, allelúja.

V. Jube domne benedicere.

Bened. Divinum auxilium maneat semper nobiscum. **R.** Amen.

Lectio ii.

Novit enim Dominus, qui sunt ejus: novit qui permaneant ad coronam, qui permaneant ad flammam. Novit in area sua triticum, novit et paleam: novit segetem, novit et zizania. Jam iudicatus est,

qui non credit. Quare iudicatus? Quia non credidit in nomine unigeniti Filii Dei. Hoc est autem iudicium: quia lux venit in mundum, et dilexerunt homines magis tenebras, quam lucem: erant enim mala opera eorum. Fratres mei, quorum opera bona invenit Dominus? Nullorum. Omnia opera mala invenit. Quomodo ergo quidam fecerunt veritatem, et venerunt ad lucem? Et hoc enim sequitur: Qui autem facit veritatem, venit ad lucem.

R. Spiritus Sanctus procedens a throno, Apostolorum pectora invisibiliter penetravit novo sanctificationis signo: * Ut in ore eorum omnium genera nascerentur linguarum, allelúja. **V.** Advénit ignis divinus, non comburens, sed illuminans, et tribuit eis charismatum dona. Ut in ore eorum omnium genera nascerentur linguarum, allelúja. Glória Patri, et Filio, et Spiritui Sancto. Ut in ore eorum omnium genera nascerentur linguarum, allelúja.

V. Jube domne benedicere.

Bened. Ad societatem civium supernorum perducat nos Rex Angelorum.

R. Amen.

Lectio iii.

Sed dilexerunt, inquit, tenebras magis quam lucem. Ibi posuit vim. Multi enim dilexerunt peccata sua, multi confessi sunt peccata sua: quia qui confitetur peccata sua, et accusat peccata sua, jam cum Deo facit. Accusat Deus peccata tua: si et tu accusas, conjungeris Deo. Quasi duæ res sunt, homo, et peccator. Quod audis, homo, Deus fecit: quod audis, peccator, ipse homo fecit. Dele, quod fecisti, ut Deus salvet, quod fecit. Oportet ut oderis in te opus tuum, et ames in te opus Dei. Cum autem ceperit tibi displicere quod fecisti, inde incipiunt bona opera tua, quia accusas mala opera tua. Initium operum bonorum, confessio est operum malorum.

Te Deum laudamus. 20.

Ad Bened. Ant. Sic Deus dilexit mundum, ut Filium suum unigenitum daret: ut omnis, qui credit in ipsum, non pereat, sed habeat vitam æternam, allelúja.

Orémus. Oratio.

Deus, qui Apostolis tuis Sanctum dedisti Spiritum: concede plebi tuæ piæ petitionis effectum; ut quibus dedisti fidem, largiáris

et pacem. Per Dominum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus, per omnia sæcula sæculorum. **R.** Amen.

Ad Magnif. Ant. Si quis diligit me, sermonem meum servabit: et Pater meus diliget eum, et ad eum veniemus, et mansionem apud eum faciemus, allelúja.

Ad Missam.

Statio ad S. Petrum ad Vincula.

Introitus. Ps. 80.

Contribavit eos ex adipe frumenti, allelúja: et de petra melle saturavit eos, allelúja, allelúja. **Ps. ibid.** Exultate Deo adiutori nostro: jubilate Deo Jacob. **V.** Glória Patri.

Oratio.

Deus, qui Apostolis tuis Sanctum dedisti Spiritum: concede plebi tuæ piæ petitionis effectum; ut quibus dedisti fidem, largiáris et pacem. Per Dominum... in unitate ejusdem Spiritus Sancti Deus.

Lectio Actuum Apostolorum. Act. 10. f.

In diebus illis: Apériens Petrus os suum, dixit: Viri fratres, nobis præcepit

Dóminus prædicáre pópulo: et testificári, quia ipse est, qui constitútus est a Deo iudex vivórum et mortuórum. Huic omnes prophætæ testimónium pèrhírent, remissionem peccatórum accipere per nomen ejus omnes, qui credunt in eum. Adhuc loquente Petro verba hæc, cecidit Spíritus Sanctus super omnes, qui audiébant verbum. Et obstupuerunt ex circumcissione fideles, qui vénerant cum Petro: quia et in nationes grátia Spíritus Sancti effusa est. Audiébant enim illos loquentes linguis, et magnificátes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum Sanctum accepérunt sicut et nos? Et jussit eos baptizári in nómine Dómini Jesu Christi.

Allelúja, allelúja.

V. Act. 2. Loquebántur váriis linguis Apóstoli magnália Dei. Allelúja.

Hic genuflectitur. V. Veni Sancte Spíritus, reple tuórum corda fidélium: et tui amoris in eis ignem accende.

Sequentia. Veni Sancte Spíritus. ut supra in Dominica. pag. 34.

✠ Sequéntia sancti Evangelii secundum Joánnem.

Joann. 3. b.

In illo témpore: Dixit Jesus Nicodémo: Sic Deus diléxit mundum, ut Filium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Filium suum in mundum, ut júdicet mundum, sed ut salvétur mundus per ipsum. Qui credit in eum, non judicátur: qui autem non credit, jam judicátus est: quia non credit in nómine unigéniti Filii Dei. Hoc est autem júdicium: quia lux venit in mundum, et dilexérunt hómines magis ténébras, quam lucem: erant enim eórum mala ópera. Omnis enim qui malé agit, odit lucem, et non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta. **Credo.**

Offertorium. Ps. 17. Intóruit de cælo Dóminus, et Altíssimus dedit vocem suam: et apparuérunt fontes aquárum, allelúja.

Secreta.

Propitius, Dómine quæsumus, hæc dona sanctifica: et hóstiæ spiritalis ob-

latióne suscepta, nosmetipsos tibi pèrfice munus ætérnum. Per Dóminum.

Communio. Joa. 14. Spíritus Sanctus docébit vos, allelúja: quæcúmque dixeró vobis, allelúja, allelúja.

Postcommunio.

Adésto, quæsumus Dómine, pópulo tuo: et quem mystériis cœlestibus imbúisti, ab hóstiium furóre defende. Per Dóminum.

Feria Tertia.

V. Spíritus Paráclitus, allelúja. **R.** Docébit vos ómnia, allelúja.

Pater noster. secreto.

V. Et ne nos indúcas in tentatiónem. **R.** Sed libera nos a malo.

Absolutio. Ipsius pietas et misericórdia nos ádjuvet, qui cum Patre et Spírítu Sancto vivit et regnat in sæcula sæculórum.

R. Amen.

V. Jube domne benedícere.

Bened. Evangélica lécitio sit nobis salus et protéctio.

R. Amen.

Lécitio sancti Evangelii secundum Joánnem.

Lectio i. Cap. 10.

In illo témpore: Dixit Jesus pharisæis: Amen,

amen dico vobis: qui non intrat per óstium in ovile óvium, sed ascéndit aliúnde, ille fur est, et latro. Qui autem intrat per óstium, pastor est óvium. Et réliqua.

Homília sancti Augustini Episcopi.

Tract. 45. in Joann. post init.

Dóminus de grege suo, et de óstio quo intrátr ad ovile, similitúdinem propósuit in hodiérna lectione. Dicant ergo pagáni: Bene vivimus. Si per óstium non intrant, quid prodest eis unde gloriántur? Ad hoc enim debet unicuíque prodésse bene vivere, ut detur illi semper vivere: nam cui non datur semper vivere, quid prodest bene vivere? Quia nec bene vivere dicénda sunt, qui finem bene vivéndi vel cæcitate nésciunt, vel inflatióne contémnunt. Non est autem cuiquam spes vera et certa semper vivéndi, nisi agnóscat vitam, quod est Christus, et per jánuam intret in ovile.

R. Apparuerunt Apóstolis dispertitæ lingue tamquam ignis, allelúja: * Sedítque supra singulos eórum Spíritus Sanctus, allelúja, allelúja. **V.** Et cepérunt loqui váriis linguis,